

լուծեան և խոստման իւրոյ և հատուցանել խոստացեալս իբր պարտականի:

Գ Լ Ո Ւ Ն Ճ Կ Ա .

Ամենայն կաղ և կուր, ծեր և պառաւ, աղքատ որ ոչ ունիցի ուստերս և դատերս մխիթարեսցի 'ի տանէն հայոց, լցուցանելով կարիքս անձին իւրոյ չափաւորապէս:

Գ Լ Ո Ւ Ն Ճ Կ Բ .

Մէնջ ամենայն հայոց պատրաստ գտցի տեղի դեղօրէից վասն բժշկութեան տկարաց, աղքատաց ծախիւք տանն հայոց բժշկաւ հանդերձ և ձրի բաշխեսցի 'ի վերայ ամենայն կարօտելոց առանց վարձու:

Գ Լ Ո Ւ Ն Ճ Կ Գ .

'ի միջի ամենայն պտղոց և բուսոց ուտելեաց 'ի բուսմանէ երկրէն հայոց, միմիայն արհամարեալ լիցի պտուղն անուանեալն բակլայ, և բուսն անուանեալն սիբեղ և կոտեմ, մի՛ ոք վարեսցի այսոքիկ 'ի արաի իւրում, զի յոյժ վնասակար է բնութեան մարդոյ: